



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Testamentum

urn:nbn:de:hbz:466:1-40647

Vota.

Et privilegium canonicum.

Probabile item esse, quod à Prælato Regulari absolvi possunt in foro animæ ab omnibus casibus, & censuris, seclusis casibus Bullæ Cœnæ: & obtinere commutationem votorum in quibus Episcopus dispensat cum suis subditis. Immo in Relig. Carmelitarum propter peculiare votum obedientiæ, quod Tertiariæ emittunt, posse earum vota à superiore irritari. Et denique probabile esse, quod gaudeant privilegio canonis, si quis suadente: quod ultimum negat Bordonus in cons. Regul. ref. 28. num. 19. p. 6. l. 8. ref. 30. An gaudeant privilegio fori, & gabellarum. V. Immunitas Ecclesiastica, n. 24. & V. Gabellas, n. 12.

TESTAMENTUM.

TESTAMENTI natura.

Et requisita. Quia non omnia requiruntur in piis causis. In testatore peste correpto.

1. Testamentum est significatio voluntatis propriæ de eo quod quis de universo patrimonio fieri vult cum institutione hæredis. Qui testamentum condere possit, dicemus V. Testari. Quibus legandum sit, & an testamentum revocari possit, dicemus V. Testator. Et aliqua dicta sunt V. Legatum. Nunc de aliquibus conditionibus testamenti.

2. De jure ergo civili multæ conditiones requiruntur in testamento. Septem testes, nominatio hæredis habilis, habitas etiam testatoris, de qua V. Testari, integritas testamenti (nam decedente testatore ex parte intestato, testamentum inceptum nullum est, l. si quis, ff. qui testam. fac. poss.) & multæ aliæ, quas videre est apud Doctores passim. De jure autem Canonico pauciores sufficiunt: Nam in piis causis sufficiunt duo vel tres testes, c. relatum de test. 7. & in non piis, in terris Ecclesiæ duo testes & Parochus, c. cum esset, eod. p. 5. l. 3. ref. 119. §. Possit, quod per episcopiam probabiliter transferri potest ad casum, quo testator esset peste correptus, cum Maldero in 2. 2. ar. 1. c. 11. dub. 5. contra Alexandr. cons. 78. n. 36. l. 2. p. 5. l. 3. ref. 123.

Milites.

3. Porro, milites in castris ex privile-

gio juris civilis testari possunt cum paucioribus solemnitatibus. Et in primis sufficiunt illis duo testes. Deinde si decedant inter testandum, pars testamenti tenet, leg. miles ita. ff. de milit. testam. Tertio, instituere possunt hæredem incapacem, ut deportatum, leg. neque, §. & deportati, ff. eod. quo privilegio gaudere etiam Cardinales Alban. de Card. quæst. Et Cardinali 4. §. secundò, & alii docent, p. 5. tr. 2. ref. 51. Et quidem Et quoad legata pia, quicumque testator ad piis causis incompleto testamento decedat, si jam facta, sequis, expressa sunt, valent, quia licet testator dum testatur, mutare potuerit, hanc tamen mutationem non significavit, & sic prævalet jus naturale, cui adde canonicum. Vide tum valet. Malderum in 2. 2. tract. 1. c. 11. dub. 8. p. 5. t. 3. ref. 126.

4. Item, si quis testetur ad piis causas, potest testamentum alteri committere, hoc modo: *Instituo hæredes bonorum alteri committor pauperes, quos Titius elegerit: vel, Lego centum aureos alicui puella in dotem si Titius voluerit.* Clarus & Doctores communiter in c. cum tibi, de testam. Quibus addit aliam formam Laymann lib. 1. sect. 5. tr. 5. c. 2. nu. 6. & 7. videlicet *Committo omnia bona mea arbitrio & dispositioni Titii,* in quo casu Titium omnia bona in piis causas, distribuere debere, ipsumque solo nudoque nomine hæredem esse, p. 5. t. 3. ref. 127. De nominatione executoris dicemus V. Testamenti executor.

5. Adverte hic, quod omnes solemnitates juris, siue Canonici, requiruntur tantum pro foro externo: nam in foro conscientie hæres siue testamentarius siue ab intestato, tenetur præbere hereditatem, vel solvere legatum cuicumque noverit intentionem testatoris esse, quod hereditas vel legatum perveniat. Vide V. Legatum, num. 10. & ibi per totum multa invenies huc spectantia. An quando instituitur in testamento capellania, eligi ad illam possit Clericus, Vide V. Beneficium, num. 18. & 19.

TESTA